



Iñaki Goenaga-Zentro Teknologikoen Fundazioa

PRESTAKUNTZA, ESPEZIALIZAZIO ETA GARAPEN TEKNOLOGIKORAKO BEKAK XXIX. DEIALDIA

DEIALDIAREN OINARRIAK

1. PROGRAMAREN HELBURUA

Deialdi honen helburua beka ematea da, onuradunek **zientzia-ezagupenak garatu eta espezializatu** ditzaten Zientzia, Teknologia eta Berrikuntzarako Euskal Sareko (ZTBES / RVCTI) kide den erakunderen batean egonaldia eginez, eta erakunde hori Atxikitako Zentroa izango da.

2. ONURADUNAK

- Goi-mailako unibertsitate-tituludunak.
- Beken onuradun izan daitezke Ingeniaritzako ikasleak ere, titulua eskuratzeko Ikasketa Bukaerako Proiektua bakarrik falta baldin bazaie.

3. PROGRAMAREN EZAUGARRIAK

- 3.1. Iraupena:** Bekaren iraupena **urtebetekoa** izango da. Kontrakorik ez bada esaten, beka automatikoki **bigarren urtez luzatuko da**. Bekaren luzapenez erabakitzeke, Iñaki Goenaga—Zentro Teknologikoen Fundazioak bekadunak egindako jardueraz txostena eskatu ahal izango dio Atxikitako Zentroari.
- 3.2. Diru-kopurua:** Bekaren diru-kopuru gordina **1.200 €-koa** izango da hilean, eta PFEZ ordaindu behar da.
- 3.3. Asegurua:** Bekadunei Istripu Asegurua egingo zaie.
- 3.4. Zentroan hasteko datak: 2008ko urriaren 20a.** 2008ko urriaren 20a baino geroago hasiz gero, diru-kopurua egokitu egingo da bekaren gozate-hilabeteetara. Beka gauzatuko den Atxikitako Zentroan hasteko data gorabehera, lehen urteko gozamen-aldia 2009ko urriaren 19an emango da bukatutzat.

4. ESKABIDEAK AURKEZTEA

4.1 Aurkezpena: Fundazioaren web gunean dagoen Eskabide Orriaren bidez egin behar dira eskabideak (www.fundacioncentrostecnicos.org).

4.2 Datak: Eskabideak 2008ko ekainaren 27tik uztailaren 29ra (bukaera 12.00etan) egin behar dira.

4.3 Baldintzak: Beka eskatzeko ez da beharrezkoa titulua eskuratzeko irakasgai guztiak gaindituta izatea. Beka emanez gero, Atxikitako Zentroan sartzeko datarako bekadunak gaindituta izan beharko ditu titulua eskuratzeko irakasgai guztiak (Ingeniaritzen kasuan karrera-bukaerako proiektua izan ezik).

4.4. Hizkuntzak: Eskabideak gaztelaniaz, euskaraz edo ingelesez aurkez daitezke.

5. HAUTAKETA-PROZESUA ETA LAGUNTZAK JAKINARAZTEA

5.1 Hautaketarako irizpideak

Fundazioak Epaimahai Kalifikatzailea izendatuko du beka emateko.

Eskabideen lehenengo balioespena irizpide hauen arabera egingo da:

- Espediente akademikoa
- Duela gutxiko titulazioa

Hautaketa-prozesuaren **lehenengo fase** hau Fundazioaren web guneko Eskabide Orrian eskatzaileak emandako informazioaren arabera bakarrik egingo da. Gero, agiri bidez frogatu beharko du emandako informazio guztia egiazkoa dela.

Atzerriko titulazioek Estatuko titulazioekin duten baliokidetasuna Fundazioak ebaluatuko du.

Hautaketa-prozesuaren **bigarren fasea** elkarrizketa pertsonal bidez egingo da, eta hor, besteak beste, ondorengoak balioetsiko dira:

- Hizkuntzak jakitea
- Ikasketa-bukaerako proiektuaren gaia, egindako lan teknikoak, ikasketak eta eskatzaileak aurkezten duen beste edozein meritua.
- Norberaren gaitasunak.

5.2 Jakinaraztea eta Argitaratzea

Bekak elkarrizketak egindakoen artean banatuko dira. Elkarrizketa egin baina bekarik eman ez zaienak ordezkoen zerrendan sartuko dira. Emandako beka gauzatu gabe geratzen badira, Fundazioak beste onuradun bat izenda dezake ordezeko gisa daudenen artean.

Hautaketa-prozesu osoan zehar, bere martxaren berri posta elektronikoaren bidez izango dute eskatzaileek.

Beken emate ofiziala posta elektronikoz jakinaraziko die onuradunei Iñaki Goenaga— Zentro Teknologikoen Fundazioak, eta deialdi honen emaitzak bere web gunean emango ditu argitara.

Bekaren bat eman gabe geratzen bada, edo deitutako beketan aldaketarik gertatzen bada, egoki iruditzen zaizkion erabakiak hartzeko eskubidea du Fundazioak, betiere deialdi honen atzean dagoen espirituaeren arabera.

6. GOZAMEN-BALDINTZAK

6.1 Baldintzak

Bekaduna beka garatzeko Atxikitako Zentroan sartzen denean hasiko da beka gozatzen ere; ezarritako programa burutzerako konprometituko da bekaduna eta Atxikitako Zentroko arauak betetzera beti, probetxu ona izan dezan beharrezko diren jarrera eta interesarekin.

Bekadunaren prestakuntza-jarduera Atxikitako Zentroko sail edo departamentuetako arduradunek zuzenduko dute, eta bekadunak berari dagokion departamentuko zereginetan parte hartuko du. Hala ere, Fundazioak beti izango du ahalmena bekadunaren jardueraz kontrol orokorra zertzeko.

Laguntza hauek ez dute inolako lan-harremanik sortuko ez Iñaki Goenaga-Zentro Teknologikoen Fundazioarekin, ezta bekaduna hartzen duen Zentroarekin ere, eta Atxikitako Zentro horrek ez du inolako konpromisorik hartzen gero bekadun hori bere langileen artean sartzeko.

Beka honen gozamen aldiari ezingo da beste laguntzarik edo ordainsaririk jaso bere edo besteren kontura zerbitzuak emateagatik.

Beka betetzen ez bada, Fundazioak eskubidea izango du emandako diru-kopuruak itzultzea eskatzeko.

Fundazioak eskubidea izango du, urteko edozein unetan, bekaduna egiten ari den jardueraz txostena eskatzeko berari edo Atxikitako Zentroari. Txosten hori ez bada aurkeztu edota aurkeztutakoaz Fundazioak ebaluazio negatiboa egiten badu, beka eten egin daiteke berehala. Erabaki horrek motibatua beharko du izan.

Beka betiko edota aldi baterako etetezko zio edo motiboak honako hauek izan daitezke:

- Bekaren prestakuntza-helburuak lortzeko ezintasuna.
- Bekari probetxurik ez ateratzea era nabarmenean.
- Diziplinarik eza.
- Tresneria eta materialak behar bezala ez erabiltzea.
- Atxikitako Zentroko arauetako begirunerik eza.
- Isilpekotasunik eza.

6.2 Eskubideak eta Betebeharrak: Bekadunek ondorengo eskubide eta betebeharrak izango dituzte:

- Beka garatzeagatik, deialdi honen oinarrietan ezarritako diru-kopurua hartuko dute.
- Istripu-asegurua izango dute.
- Bekaren edukiaz gain, prestakuntza gehigarria hartzeko aukera izango dute, beren jarduera zertzen ari diren Atxikitako Zentroko arauen arabera.
- Fundazioaren Idazkaritza Teknikoa onuradunen esanetara izango da beti, eskatzen diotenari erantzuteko.
- Beren jarduera zertzen ari diren Atxikitako Zentroko barne-araudia bete beharko dute.
- Jabetza Intelektualaren Legearen testu bateginak (apirilaren 12ko 1/1996 Errege Dekretu Legegile bidez onartuak) ezartzen duenaren arabera, bekadunari dagozko ikerketako prestakuntza-jardueratik eratorritako jabetza intelektualaren eskubideak, bere ekarpenaren arabera. Eskubide horiek independente, bateragarri eta metagarriak izango dira egindako ikerketatik erator daitezkeen beste eskubide batzuekin, aparte utzita, bekadunak ikerketako talde-proiektu batean parte hartzen duenean, talde-lanak berekin dituen baldintza edo mugak.
- Isilpeketasunik zorrotzena izan behar dute ikerketa edo azterketa-gaiei buruz, bai bekaren gozamen-aldian eta bai bukatu ondoren, eta Atxikitako Zentroaren berariazko baimena beharko dute horiek erabiltzeko edo/eta beste batzuei jakinarazteko.
- Beka bukatzean, beren lan-egoeraren berri eman beharko diote Fundazioari.

Ikerketa dela-eta egindako argitalpen orotan, Iñaki Goenaga-Zentro Teknologikoen Fundazioa aipatu behar da. Argitalpenaren kopia bat Fundazioari bidali behar zaio.

Beka era gogobetegarrian betetzen dutenei hori frogatzen duen Diploma emango die Fundazioak.

7. BESTE BALDINTZA BATZUK

Laguntza Programa eskatze hutsak esan nahi du Oinarri hauek onartzen direla, eta Iñaki Goenaga-Zentro Teknologikoen Fundazioak erabakiko ditu sortzen diren zalantza eta gorabeherak.

Fundazioak eskubidea izango du bidezko iruditzen zaizkion aldaketak egiteko "Prestakuntza, Espezializazio eta Garapen Teknologikorako" XXIX. Deialdiaren oinarri hauean.

Bekak eskatzen dituztenek beren adostasuna ematen diote Fundazioari emandako datuak jakinaraz diezazkien deialdi honetan beka sartu dituzten ZTBES / RVCTI-ko Eragileei, hautaketa-prozesua egiteko helburuarekin.

Halaber, beka baten onuradunek espresuki onartzen dute beren izen-deiturak onuradunen zerrendan agertzea eta Fundazioaren web gunean argitaratzea.

8. INFORMAZIOA

- Iñaki Goenaga-Zentro Teknologikoen Fundazioan (Tel. 94 420 94 88)
- Web gune honetan: www.fundacioncentrostecnologicos.org